

შპს უსაფრთხოების აკადემია

დამტკიცებულია:

კოლეჯის საბჭოს თავმჯდომარე:

დავით მაზმიშვილი

08/02/ 2024 წ.



იურიდიული სამსახურის დებულება

თბილისი 2024

	შპს უსაფრთხოების აკადემია	თარიღი	იანვარი 2024
	იურიდიული სამსახურის დებულება	თავი/მუხლი	1 - 5
გვერდი		2/3	
	რევიზია	0	

მუხლი 1. ზოგადი დებულებები

- 1.1. კოლეჯის შპს „უსაფრთხოების აკადემია“ (შემდგომში - კოლეჯი) იურიდიული სამსახური (შემდგომში - სამსახური) წარმოადგენს კოლეჯის სტრუქტურულ ერთეულს, რომელიც ხელმძღვანელობს საქართველოს კანონმდებლობით, კოლეჯის დებულებით, წინამდებარე დებულებით და კოლეჯის სხვა ნორმატიული აქტებით.
- 1.2. სამსახური ანგარიშვალდებულია კოლეჯის რექტორის წინაშე.

მუხლი 2. სამსახურის მიზანი, ამოცანა და ფუნქციები

- 2.1. სამსახურის მიზანია კოლეჯის ადმინისტრაციული და საგანმანათლებლო ფუნქციის მოქმედ კანონმდებლობასთან შესაბამისობის უზრუნველყოფა.
- 2.2. სამსახურის ამოცანაა კოლეჯში მოქმედი ნორმატიული ბაზისა და სხვა დოკუმენტაციის სახელმწიფო კანონმდებლობასთან შესაბამისობაში მოყვანა.
- 2.3. სამსახურის ფუნქციები:
 - 2.3.1. კოლეჯის სამართლებრივი და ადმინისტრაციული აქტების შემუშავებაში მონაწილეობა, მათზე სამართლებრივი დასკვნების მომზადება;
 - 2.3.2. კოლეჯის ინდივიდუალური ადმინისტრაციულ-სამართლებრივი აქტების უპირატესი იურიდიული ძალის მქონე ნორმატიულ აქტებთან შესაბამისობის უზრუნველყოფა;
 - 2.3.3. კოლეჯის მხრიდან დასადები ხელშეკრულებების პროექტების შემუშავებაში მონაწილეობა;
 - 2.3.4. კოლეჯის სტრუქტურული ერთეულების საქმიანობის სამართლებრივი უზრუნველყოფა;
 - 2.3.5. კოლეჯის წარმომადგენლობა და მისი ინტერესების დაცვა სახელმწიფო, კერძო დაწესებულებებსა და სასამართლოში;
 - 2.3.6. კომპეტენციის ფარგლებში შემოსული განცხადებების განხილვა/განხილვაში მონაწილეობა და შესაბამისი პასუხების მომზადება/მომზადებაში მონაწილეობა;

მუხლი 3. სამსახურის ხელმძღვანელობა

	შპს უსაფრთხოების აკადემია	თარიღი	იანვარი 2024
	იურიდიული სამსახურის დებულება	თავი/მუხლი	1 - 5
		გვერდი	3/3
		რევიზია	0

3.1. სამსახურს ხელმძღვანელობს სამსახურის უფროსი, რომელსაც თანამდებობაზე ნიშნავს/ათავისუფლებს რექტორი.

3.2. სამსახურის უფროსი ანგარიშვალდებულია რექტორის წინაშე.

3.3. სამსახურის უფროსი:

3.3.1. წარმართავს სამსახურის საქმიანობას;

3.3.2. უზრუნველყოფს კოლეჯის სამართლებრივი აქტებისა და სხვა დოკუმენტაციის სამართლებრივ გამართულობას მოქმედი კანონმდებლობის მოთხოვნებთან შესაბამისობაში;

3.3.3. წარუდგენს რექტორს სამსახურის მიერ გაწეული საქმიანობის წლიურ ანგარიშს;

3.3.4. ახდენს სტუდენტებისა და თანამშრომლების უფასო იურიდიულ კონსულტირებას კოლეჯის საგანმანათლებლო და შრომით ურთიერთობებთან დაკავშირებულ საკითხებზე;

3.3.5. კომპეტენციის ფარგლებში ახორციელებს წინამდებარე დებულებით, კოლეჯის ინდივიდუალური ადმინისტრაციულ-სამართლებრივი აქტებითა და საქართველოს კანონმდებლობით განსაზღვრულ სხვა უფლებამოსილებებს.

მუხლი 4. სამსახურის რეორგანიზაცია და ლიკვიდაცია

4.1. სამსახურის რეორგანიზაცია და ლიკვიდაცია ხორციელდება კოლეჯის საბჭოს გადაწყვეტილების საფუძველზე რექტორის ინდივიდუალური ადმინისტრაციულ-სამართლებრივი აქტით.

მუხლი 5. დებულებაში ცვლილებებისა და დამატებების შეტანა

5.1. დებულებაში ცვლილებებისა და დამატებების შეტანა ხორციელდება სამსახურის ხელმძღვანელის მიერ მომზადებული ცვლილება-დამატებების პროექტის წარდგენითა და კოლეჯის საბჭოს მხრიდან გახილვისა და დამტკიცების გზით.